

Sakspapir

Saksbehandlar	Arkiv	ArkivsakID
Ingvild Hjelmtveit		14/1179

Saksnr	Utvalg	Type	Dato
28/2014	Formannskapet	PS	19.03.2014

Høyringsvar - Rapport frå arbeidsgruppa som har vurdert brann- og redningsvesenet si organisering og tidsbruk

Vedlegg:

F-sak 28 - vedlegg Brannstudien

Saksopplysningar:

Bakgrunn

Arbeidsgruppa som har sett på samla organisering og ressursbruk i Brann –og redningsvesenet, under dette samvirke med andre aktører, har oversendt sin rapport "Brannstudien" til Justis- og beredskapsdepartementet 2. desember 2013. Det er en grundig og god rapport som er oversendt, med oversikt og utgreiing av dagens situasjon, og interessante og til dels banebrytende framlegg til endringer. DSB tilrår at "Brannstudien" sendes ut på en bred høring.

Høyringsfristen er sett til 13. mars, men det vert arbeidd med å få denne lenga til 21. mars.

Brannstudien er så prisiipiellt viktig for kommunane at rådmann vel å leggje fram framlegg til høyringsvar sjølv om fristen for høyring er gått ut. Uttalen er uarbeidd av Brannsjefen og er likelydane for Lindås og Meland kommunar.

Vurdering

Meland kommune er einig i rapporten si betraktning om at brann- og redningsvesenet utgjør ein viktig ressurs for det samla arbeidet med samfunnsstryggleik i kommunen. Brann- og redningsvesenet har viktige oppgåver på det førebyggjande brannvern området og er kommunen sin viktigaste operative redningsressurs. Også rapporten sin konklusjon om føremoner med større fagmiljø (då spesielt førebyggjande), auka kompetanse og sterkare samarbeid på tvers av kommunegrensar, blir støtta av Meland kommune.

Meland kommune meiner brannstudien har for mykje fokus på store einingar og for lite på vidareutvikling av eksisterande organisering. Meland kommune kan ikkje sjå at det er grunnlag for å tru at så store fylkesvise einingar som anbefalas av arbeidsgruppa vil føre til eit bedra brann- og redningsvesen. Meland kommune sluttar seg difor ikkje til tilrådinga frå arbeidsgruppa om fylkesvise brann- og redningsvesen. Meland kommune meiner brann- og redningstenesta framleis skal vere ei kommunal teneste og meiner brannstudien legg for lite

vekt på dei grunnleggjande prinsippa i viktig samfunnstryggleik og beredskapsarbeid: prinsippa om ansvar, nærleik, likskap og samvirke.

Branntenesta er tufta på nærleik, mens det ved fylkesvise einingar er fare for at administrasjonsledd og toppleiinga vert opplevd som fjernt for brukaren. Den enkelte kommune risikerer også å få et meir perifert forhold til og mindre høve til å påverke sitt eget brann- og redningsvesen. Det bør derfor være opp til den enkelte kommune å drifte brann- og redningsvesena i samsvar med det lovverk som ligg føre. Eit lokalt forankra brannvesen, er særskild viktig for å kunne utnytta lokale ressursar, når ein skal byggja opp og drifta eit godt brannvesen, og når ein skal handtera ulike hendingar.

Vi meiner Lindås og Meland brannvern ivaretek desse grunnleggjande prinsippa slik Lindås og Meland brannvern og Nordhordland interkommunale branntilsyn er organisert i dag. Likevel vil Meland kommune delta i eit pilotforsøk for å prøve ut endå betre samarbeid på tvers av kommunegrensene.

Folkehelse

Trygge lokalsamfunn er viktig for god folkehelse. Eit fagleg godt lokalt brannvern vil difor vere positivt for folkehelsa i regionen.

Miljø

Det er ikkje vurdert om denne innverknad på miljø i dette høyringssvaret

Økonomi

Det er ikkje vurdert kva endra organisering av brannvernet har å seie for kommuneøkonomien. Lokalt brannvern gjer det truleg lettare for kommunane å styre økonomien. Det er utarbeidd samfunnsøkonomisk analyse i tilknytning til brannstudien.

Konklusjon

Meland kommune ser seg best tent med å framleis ha eit lokalt forankra brann og redningsvesen.

Link til KS/NTNU rapport: http://www.ks.no/PageFiles/53967/Rapport%20Framtidens%20brann-%20og%20redningsvesen%20endelig_WEB.pdf?epslanguage=no

DSB sin brannstudie: http://www.regjeringen.no/pages/38565263/Brannstudien_desember-2013.pdf

Samfunnsøkonomisk analyse av brannstudien:

<http://dsb.no/Global/Brannvern/Dokumenter/Rapport%2026-2013%20Sammfunns%c3%b8konomisk%20analyse%20organisering%20brann.pdf>

Framlegg til vedtak:

Meland kommune sluttar seg til høyringssvaret til rapporten frå arbeidsgruppa som har vurdert brann og redningsvesenet si organisering og tidsbruk

Formannskapet - 28/2014**FS - behandling:****Framlegg til endring av siste avsnitt 2. linje i vurdering og tilleggspunkt i framlegg til vedtak frå Nils Marton Aadland, H:**

Likevel vil Meland kommune delta i eit pilotforsøk for å prøve ut endå betre samarbeid på tvers av kommunegrensene.

Framlegg til tilleggspunkt frå Marit Jøssang, KrF:

Det er ikkje vurdert om denne innverknad på miljø i dette høyringssvaret.

Avrøysting:

Framlegg til vedtak med tilleggsframlegg frå Nils Marton Aadland og Marit Jøssang vart samrøystes vedteke.

FS - vedtak:

Meland kommune sluttar seg til høyringssvaret til rapporten frå arbeidsgruppa som har vurdert brann og redningsvesenet si organisering og tidsbruk.

Likevel vil Meland kommune delta i eit pilotforsøk for å prøve ut endå betre samarbeid på tvers av kommunegrensene.

Det er ikkje vurdert om denne innverknad på miljø i dette høyringssvaret.

Kopi sendt:

Direktoratet for brann og sikkerhet DSB
Lindås og Meland brannvern